





佛山忠義鄉志卷十三

鄉禁志

告示

鄉禁者皆官司文告禁約不過吏胥所承行何取乎爾取其有關一鄉利弊苟不志之營私者將惡其害已而去其籍也不志前明遵現行

功令也條教赫赫碑石林林使人有所畏而不敢為不大有造於鄉乎志鄉禁

告示

國朝

禁鄰堡開涌碑示

廣州府為鑿河通海蠹國殃民叩天批示嚴禁

913.743
2522
7

急救億萬生靈事隆武二年四月二十四日奉嶺
南兵巡道憲牌奉兩廣軍門平粵伯丁批據鄉紳
舉貢監生員里排耆老馮球霍得之劉士斗彭繼
先李大宗等呈前事稱粵東之害莫大於西北兩
潦淹浸又莫大於海賊出沒按珊瑚邊街邊嶺岡三
山大沙大江石碯等處一十餘堡地勢平洋人家
稠密古稱廣州犄角形勝來龍原繇寨邊渡海入
珊瑚邊至矮岡頭分股左繇張槎經寺邊田心羅播
三山嶺岡八佛山轉西華至石碯爲左股之盡龍
右繇大江大沙清水弼唐竹坡赤硃崗小墓大墓
轉來祥石灣至砂岡潘村瀾石石頭深村奇槎爲

右股之盡龍其左股三山嶺岡一帶向係耕農秧地縣誌並無涌洛上而大沙清水弼唐聖堂等山萬姓祖宗墳墓俱以其爲堂局下而佛山石碯奇槎平洲各縣數百鄉村人民億萬田畝粒食又藉其高壟阻禦漲潦屢奉撫按司道嚴禁私開河洛厯千百載並受甯宇無奈田心張槎書一村奸宄出沒妄意變更萬厯末年已圖開濬弼唐里保知其出穀接濟澳夷遂呈禁止崇禎八年霸基種樹壞人風水衆慮議呈幸天嚴惡電火焚槎今經日久故智復萌前月內鼓衆開涌起自三山嶺岡羅播羅埠寺邊左通街邊大海右通獨樹巨河不顧二

縣數十堡能免兩潦之患全賴三山嶺岡等處一帶高田屏衛若使廣開涌洛潦水必建甌直下滔天巨浸人民淹沒五穀失收國家糧餉憑何輸納且近來海賊縱橫幸獲安堵亦因涌洛不多易于防守若田心三山等處任其大行濬淪數里通津誠恐奸歹隨波出沒勾引海賊沿鄉劫掠誰能控制况風水民命所司寺邊嶺岡等處關係各堡來龍諸墳命脉妄加穿鑿卽係斬斷咽喉今射利小民銷坭販賣已俱藉口互相效尤龍家之血脉受傷億萬之性命難保蠹國殃民莫此爲甚球等百十鄉村聚廬錯處豈容緘默幸際天臺畱心民瘼

只得瀝情聯控伏乞霜威肅法准批巡道給示嚴
禁庶億萬生靈更生國家糧餉有賴並乞准將明
示勒碑各鄉永垂不朽功德無量等情奉批仰嶺
南巡道察報奉此備牌仰府卽察所呈開涌事情
關係風水民命該府察確有無利害具詳本道轉
詳等因蒙批依行南海縣察報今據該縣申稱行
據黃鼎巡司呈繳大江大富張槎土廬等堡里保
耆民梁馮羅等結稱結得羅播田心寺邊張槎佛
山等地方一帶相連于舊年十一月內果有開挖
各堡見得西北兩潦淹浸地方可虞風水有害衆
諭已經填復理合從公結報等情呈繳到縣備申

到府據此該本府查看得羅播田心張槎等村居民先年圖便利已開鑿涌源彼各堡鄉紳士民慮及風水不利致聯詞控部批道牌行府察遵行據南海縣取具該地保耆民結得前涌先年果有開挖衆論已經填復等情結報在縣備申到府覆察無異似此無庸別議矣炤前項事情關係生民風水相應給示勒碑嚴禁以杜後萌緣由具詳去後合行給示勒碑嚴禁爲此示諭三山嶺岡羅播田心寺邊張槎各處鄉民知悉務要恪遵示禁不許妄意變更仍前私挖涌源致潦水淹浸傷害民生風水如有故違許各堡鄉民指名具呈赴府以憑

拏究重治決不輕貸須至告示者

順治三年

正印

八月初十日給示原呈鄉紳工部

霍得之戶部主事劉士斗光祿署丞李敬問

國學

博士李象蒙等

名未盡錄

禁修基越派碑示

南海縣正堂宋 爲天不敕行豪強藐抗事奉巡

撫都察院法批本司呈詳查看得南海縣大富圍
南北二圍居民談昌期等呈請通圍協脩一案先
奉前憲批仰廣州府通判率同南海縣查明責令
協脩具報嗣經該通判以基圍之設原以防水患
衛田禾圍內業戶自應按畝出工脩固以保糧命

而均苦樂若任佛山等堡膠執舊例而不協脩則險基難固應請批飭勒石永遠遵照等由詳奉憲批佛山等堡是否抗違或有別故仰司速飭確查另詳依經轉行南海縣確查詳報去後隨據該縣詳覆稱查已往之例宜以各脩各基歷有成規猶如南海之不能越濟番禺番禺之不能越濟南海一旦創之協脩而必欲各堡同工則將來愈起分爭之釁恐前此之獨脩者今借此協脩必然退縮不往前此之各脩者今強以協脩而終至裹足不前彼此推諉卒無成功在佛山等堡相隔數十里之遙似難協脩等由到司當查該縣所詳與通判

原詳互異未經查勘終屬疑似又經駁行該縣確
勘去後茲據勘覆稱大富基圍週圍約六十餘里
其形如箕四圍皆水大富堡居箕之口大江張槎
兩堡各居箕之邊土爐一堡則居箕之腹魁岡堡
則居箕腹之下其南箕尾則爲深村堡其北箕尾
則爲佛山堡溯其水源自西而東遙吞大富箕口
使此箕口必藉築基堵截則此基誠七堡利害攸
關難辭均脩之責幸天造地設生一王借岡爲之
砥柱箕口遂分一江爲兩江分北者北流分南者
南流則箕口遂遠無恙水順基行非直冲圍內卽
此基間有崩決是爲側入之水地勢旣平水勢亦

平害不及遠且圍內江山錯雜竇口洩水仍歸外
河不能盡淹各堡田廬查大富堡有七村每年惟
大富壩邊之民脩補不惟各堡有各脩之基者未
幫卽居中無基之土爐堡亦未有幫近而大富堡
之各村亦有幫有不幫但大富之基較各基高厚
而功倍又係沙土視各基頗險今議大富堡內向
未幫脩之各村及最近居中無基之土爐堡均應
協脩其次大江堡雖有基而基實少且逼近大富
亦可協幫其張槎佛山魁岡深村等堡皆有各脩
之基而去大富之基甚遠不應協脩至不應協脩
之民或置買大富基內田土者亦應照田均幫不

得執各堡遠居之說槩論等由並繪圖前來本司覆查此案該縣踏勘既確而所議尤妥足見畱心民事各屬指不多屈但大江一堡基圍雖少終與無基有別每年幫脩應視土爐堡酌減工料分之二庶幾得平其餘應幫不應幫均如該縣所議以定章程可也相應據由詳覆伏候憲查批示以便轉飭遵照等由奉批如詳飭行遵照繳圖存奉此合行遵照備牌到縣即便遵照毋違等因奉此依經備行遵照去後今再飭行爲此牌仰官攢急照憲批詳內事理即便遵照所議大富堡內向未幫脩之各村及最近居中之土爐堡均應協脩其

次大江堡雖有基而基實少且逼近大富亦可協
脩其張槎佛山魁岡深村各堡皆有各脩之基而
去大富之基甚遠不應協脩各堡之民或置買大
富基內之田土者亦應照田均幫不得執各堡遠
居之說而槩論至大江一堡圍基雖少終與無基
有別每年幫脩應視土爐堡酌減三分之一限文
到三日內取具各遵依甘結繳報本縣查考毋得
有違

康熙五十七年六月初二日

陳志

靈應祠廟鋪還廟碑示

南海縣正堂宋

廟業恩斷還廟乞天給示勒

石以垂永久事現據舉人梁叶千李紹祖陳清傑
李煥陳文炯貢生鄭紹勳洗湛霍登元監生霍游
鳳黃上泰生員李錫珽岑尙豐黃國紘霍世榮里
民梁萬履陳祥黃應同岑永泰梁修進等稟稱梁
圖首告梁翰章簡熊子等踞業欺神叶千等以備
厯吞舖確據等事覆明在案荷蒙仁台洞燭前情
將排後竇塘地上蓋廟舖九間斷還入廟永遠收
租廣祀仍著殷實忠正妥人收支毋致侵欺斧斷
之下輿情允協闔鎮謳歌但恐歲月因循復生覬
覷只得聯懇天台給示勒石著令各佃照額輸租
毋得踞舖措阻任由短少至嗣後輪管務遵公舉

安人收支畱存聽衆稽查庶神享千秋恩流百代
等情到縣據此當批准給示勒石在案查先據紳
士梁叶千等稟爲備厯吞舖確據等事前來經批
查甲子乙丑兩年通共剩銀一十餘兩當築塘搭
舖之時自必無可動支則梁叶千等所謂何用捐
築乃今日之苛論而梁翰章等所稱捐工築塘捐
建舖舍收租廣祀乃當日之真情但捐之爲言公
也梁翰章等身爲會首係廟中之人旣以廣祀發
願地則廟地舖亦廟舖何乃竊比廟外四方諸人
租地蓋舖爲業之例于成舖之後概將上蓋入已
豈非假公濟私乎厯三十年而不覺者 神之厚

以報其功今一旦羣起而攻之者 神之使以歸
此業也應將從前已往均無庸議所有排後竇塘
地上蓋鋪屋九間斷還入廟永遠收租廣祀仍著
廟屬紳士耆民公舉殷實忠正妥人輪年承管收
支賬目毋致侵欺自干 神譴梁翰章等獲利已
多毋再貪吝爭執以期默邀 神貺可也毋庸質
審立案存照各簿發還在案今據前情合就給示
勒石爲此示諭紳士里民梁叶千等知悉即便遵
照將現斷還排後竇鋪屋九間以及廟中一切田
土祭業嗣後務擇殷實忠正妥人輪流管理查核
收支免致侵欺其現住排後竇九間鋪佃務遵批

斷地係廟地舖係廟舖各宜赴廟承批照額輸租
毋得悞聽指使踞舖指阻任由短少致干查究均
毋有違

康熙五十九年五月

日 陳志

撥舖給流芳祠祀典碑示

南海縣五斗口司常

詳爲有祠無祀懇批著賜

以慰前功事雍正六年十一月奉署南海縣正堂

加三級蔣批據里民梁廣菴倫聖儀等稟前事稱

前朝正統年間強賊黃蕭養圍略佛山通鄉無策

蟻

祖梁南園等二十二人赴 北帝廟杯卜

神

許拒賊捐糧助餉督率壯練設法防守復藉

神

威赫濯披髮現身星旌耀敵賊畏潛退咸沾神

佑通鄉安枕祖等聯陳神功特疏具奏前朝勅

賜靈應祠春秋諭祭祖等亦蒙旌獎在廟右建

立忠義祠以垂不朽蟻祖見廟無祭業議將排後

竇等處田宅捐送入廟以爲祀典廟誌可稽迄今

滋積租利每年約計三四百金豐祀之外仍有餘

溢而蟻祖有祠無祀神人難忍况莫爲之前雖美

弗彰莫爲之後雖盛弗傳現今廟有餘資豈忍祠

無祀典勢著聯懇仁天金批著令紳衿耆老量給

猪羊祭品俾蟻等子孫春秋祭奠先人獲償前功

一筆陽春公侯萬代等情上稟奉批仰五斗口司

傳集衿耆確查安議詳奪印發到職奉此卑職遵
卽傳集通鄉衿耆在廟公議去後隨據紳士譚會
海梁叶千黃國鈺洗湛梁緒祐洗上蓮陳元佐梁
國選梁儀舜龐上樞梁應璘梁瑾梁貽何士赴梁
應珠梁調元梁鰲梁國輔洗重黃上科陳國煥等
稟爲遵依回覆籲天賜詳事稱蒙臺奉縣臺批據
梁廣菴倫聖儀等陳爲一件有祠無祀等事奉批
傳集衿耆確查妥議詳奪海等遵傳赴廟衆議查
得正統年間逆賊黃蕭養圍掠佛山伊祖聯同二
十二人捐糧防守藉神現身退賊致蒙勅賜
靈應祠春秋諭祭伊祖旌獎忠義建祠廟右但伊

祠確無祭業凡遇春秋子孫科歛祭奠而靈應
祠每年租利祭祀之外實有餘溢致菴等以有祠
無祀具陳况稽廟誌排後竇等處伊祖子孫俱有
捐送入廟現排後竇地一所建得舖屋二十八間
菜塘二口糞地二段共租銀貳百餘金今衆查議
就將排後竇舖第一間滿盈店現租銀二十五兩
令伊子孫收租俾二十二公永遠得藉供祀庶見
前功不忘卽捐送之義亦不忘矣蒙傳查議合遵
回覆伏乞賜詳覆奪合衆歡忻等情前來據此隨
該卑職查看得梁南園等正統年間逆賊黃蕭養
圍掠佛山是時園等二十二人捐糧設法堵禦後

藉神恩赫濯賊畏潛退聯陳特疏具奏前朝敕
賜靈應祠春秋諭祭卽園等亦蒙旌獎在廟右
建立忠義祠今菴等追思念切致以有祠無祀具
陳憲臺蒙批仰職傳集衿耆確查妥議詳奪卑職
隨卽傳集衿耆人等據稟僉云俱稱正統年間逆
賊黃蕭養圍掠佛山委得其人况園等子孫各有
田產捐送入廟今竟有祠名而缺失祭菴等亦依
依念切議將排後竇舖第一閒滿盈店租銀二十
五兩俾春秋二祭每公均沾裱帛餘資聽令伊子
孫收租供祀籲懇前來似屬妥協但卑職微員未
敢擅便今應否出自憲恩統候批示遵行非卑職

所敢擅便也等由到縣奉批查勝朝正統年間逆賊黃蕭養圍掠佛山居人梁南園等捐糧集衆協力守禦義氣所感神顯威靈俾一鄉安堵無事至今民崇神功愈不能諉公之忠義但當年雖奉旌獎建祠尙未議及祭典宜菴等有給資設奠之請也茲據該司詳據紳士耆民議覆前來應順輿情合將排後竇舖第一間店租銀二十五兩撥給公等子孫收租永爲忠義祠春秋供祀以昭前功可也此繳

計丈排後竇海便舖第一間地稅三分載在佛山堡二十圖又一甲靈應祠戶內流芳祠子孫收

佛山忠義鄉志 卷十三
租永遠辦納糧務

雍正七年四月二十六吉日勒石

官埠碑示

南海縣正堂劉 爲俯准碑諭勒石以垂永久事
雍正九年七月紳士何際時等具稟前事稱情由
宦孽霍文元等控佔佛山忠義鄉汾水正埠渡頭
蓋舖包塞炮眼茶亭示亭一案雍正九年四月內
控蒙仁臺賞示飭禁迨六月三十日復蒙親勘炮
眼蓋舖包塞隨蒙硃諭內開閘內右傍舖面與閘
內中間偏厦一間本應拆除但查已歷數年姑准
暫存如有倒壞不許脩建聽其自銷可也碑中稅

地字樣鑿去以杜後爭等諭但閘外舖面建自雍正五年閘內中間偏廈一間原屬示亭被佔作舖包塞諭令自銷敢不凜遵誠慮日後不毋脩建又復告阻與詞瑣瀆况炮眼原衛地方設立安不忘危洪恩出自仁臺俯准硃諭泐石以垂永久理合抄粘硃諭稟明金批恩准以便遵行爲此稟赴等情連粘抄本縣於本年六月三十日順道勘明硃諭勘得汾水渡頭乃往來官埠固不得指爲霍姓租稅業卽閘內一亭地居中央亦不得引爲霍姓祖遺也况查亭爲遠客所建其爲公物又屬可知名之爲茶亭名之爲接官亭俱無不可人人得而坐

立人人得而脩理之惟在人之好義與否耳嗣後
此亭永爲公物霍姓與衆紳士俱不得專擅其美
願新脩葺者稟官而後行至於間外不許擅置一
木私起片篷該保長仍不時拆除勿令作踐致礙
登涉敢任意污穢者稟明究懲至間外右傍舖面
與間內中間偏厦一間本應拆除但查已歷數年
姑准暫存如有倒塌不許脩建聽其自銷可也碑
中稅地字樣鑿去以杜後爭先此諭仍候立案在
詞到縣據此當批如請勒石以垂永久可也在案
合示勒石爲此示佛山堡士民何際時等知悉卽
便遵照將佛山忠義鄉汾水正埠馬頭永爲官埠

霍姓不得藉稱稅地冒列清查冊內舊址流通炮
眼以衛地方至於閘之內外埠邊舖尾不許擅置
一木私起片蓬而茶亭示亭不許停置什物攤擺
菓笠樵果堆積渣皮壅塞以免阻礙灣泊往來餉
渡商民船隻登涉敢有不遵仍蹈前轍者許爾紳
士耆民卽行據實指名稟究該地保長仍須不時
掃除以免堆積污穢各宜凜遵毋違

陳志

貯廟租建義學碑示

南海縣正堂魏 爲貯廟租建義學事乾隆二年
十月二十七日奉署理廣東巡撫都察院王批據
前任佛山王同知申詳據佛山鎮約正李懋諧稟

首里民陳金望等侵蝕 靈應祠租銀一案當經

卑職弔查週年收支數目底簿與碑載額租不同

顯有侵蝕情弊隨將各數簿檄發南海縣查追去

後茲據南海縣喚集質訊據里民陳金望等雖供

收支廟租並無侵蝕但查碑內開載額租銀三百

九十一兩九錢零今陳金望等止供認約收三百

二十餘兩此中已見其匿多報少且查各里民遞

年收支數目多係不經之費如每年新舊交盤輒

設酒席數十醉口肥家又於春秋二祭里民年登

七十除設酒百餘席宴飲外每人另給銀壹錢其

值年首事頭人除週年飲食不計外每人每日又

給工銀參分習以爲常而各紳士不與焉非侵蝕糜費其誰信之卑職查佛山地廣人稠土著僑寓讀書之家正不乏人從未有設義學延師教讀又查靈應祠建立年久廟貌將圯脩葺孔亟請飭令通鎮紳士里民作速會同公舉殷實品望八人董理其事將歲收租銀三百九十一兩九錢零除春秋二祭及帝尊壽誕出遊併香燈各項照舊動支外尙有贏餘先爲脩葺廟宇若能逐年撙節蓄積卽建設義學一所延師教讀酌給薪水之資以有用之廟租畱辦佛山鎮公事未爲不可但不立法收支終爲士民侵漁應令公舉殷實品望之

人自乾隆三年起每月應收租銀報明卑職著令
公貯若有支用許卽先期稟報諭給不許遲悞年
底仍將收支總撒細數造冊繳查以杜冒收濫支
情弊其值年里排不得干與仍立碑廟側永垂遵
守至約正生員李懋諧收過酬勞銀拾兩二錢五
分係各里民公送似非染指可比應無庸議今該
縣又議將廟租內每年扣除銀十兩除歲首臘月
停講外每月宣講

上諭公送銀一兩少佐膏火以公濟公事屬可行又查
各里民自雍正四年起至雍正十三年止查其收
支數目多屬冒銷本應究追姑念事久年遠數目

煩瑣毋容深求事干地方廟租是否允協理合詳
請憲臺察核批示飭遵緣由奉批仰布政司確查
妥議核奪繳奉批擬合就行備牌行府仰縣奉此
又奉本府信牌乾隆三年三月初七日奉廣東等
處承宣布政使司布政使加三級刁憲牌乾隆三
年二月二十八日奉署理廣東巡撫都察院王批
本司呈詳查得佛山鎮 靈應祠廟租銀兩先據
前任佛山王同知詳報查明歷係里民新舊輪流
傳管多屬冒銷議將廟租銀三百九十一兩零除
辦春秋二祭以及 帝尊壽誕出遊供奉香燈祭
品與鼓樂護送人夫等項之用於二百兩內又支

佛山忠義祠志 卷之三
銀十兩爲邁年宣講

上諭約正值月舟資飯食之需其餘畱爲建設佛山義學延師脩脯之費至於收支數目每年令佛鎮紳士耆老會同公舉殷實品望端方八人公同董理毋許仍前侵蝕冒銷等由本司伏查設立義學延師訓誨生童爲振興文教作養人材之盛典廟租餘銀畱建義學洵屬美舉似應俯如縣府所議飭令次第詳請舉行所有租銀亦應如議令紳耆公舉八人董理其事將一切收支公同登記盡歸實用倘有侵冒詳報究處至生員李懋諧稟首里民陳金望等從前冒銷侵蝕廟租銀兩本應追出充

公姑念事經久遠且在赦前亦應照府所請免其
深究緣奉批行查議事理是否允協合就詳覆伏
候憲臺核奪批示以便轉行遵照辦理緣由奉批
如詳飭遵繳奉批擬合就行備牌行府仰縣照依
事理卽便遵照飭令佛鎮紳士耆老會同公舉殷
實品望端方八人公同董理毋許侵蝕值年里排
不得干與以本年爲始將歲收廟租銀三百九十
一兩零內支二百兩爲每歲春秋二祭以及 帝
尊壽誕出遊供奉香燈祭品與鼓樂護送人夫等
項之用於二百兩內又支銀十兩爲週年宣講
上諭約正值月舟食之需尙餘銀一百九十一兩零畱

佛山志卷之三
爲脩葺廟宇建設佛山義學延師教讀脩脯之資
其一切事宜逐一次第詳請舉行倘有仍前侵蝕
冒銷立即詳報究處仍立碑廟側永垂遵守取具
遵依碑摹繳查均毋有違等因奉此除著令佛山
鎮紳士耆老遵照奉行外合就揭示立石爲此示
仰佛山紳耆人等知照即便凜遵毋違須至立石
者

乾隆三年九月

日立石

陳志

禁頒胙碑示

特調廣州府南海縣五斗口司加一級王 爲剴
切曉諭事照得廟嘗祀租自應樽節蓄積以待正

事之用豈任意銷散徒飽口腹之私今靈應祠

春秋二祭分頒胙肉一項經奉前縣憲張飭令節
省給示禁止本年春祭霍璋如等違禁頒胙又經
縣憲訪確行令將霍璋如等一概責革交著紳士

李成勵等承理此誠上憲明察奸弊釐正祀典之
至意本司職臨斯土敢不敬承恭惟北帝神威

赫濯海宇咸尊獨我佛山名稱祖廟胡自昉乎毋
亦有佛鎮之初我北帝威鎮其閒屢著靈應

祐庇蒸民鎮人尊而親之爰稱其廟曰祖如人家
之有祖稱其堂曰祖堂也里排其執是故有飲福
分胙之意耶不思北帝聲靈顯赫福善禍淫洋

洋在上鎮攝斯民無遠弗届迄今梯山航海而來者香烟血食靡不望祖廟薦享而輸誠則謂廟爲合鎮之祖廟也可卽謂廟爲天下商民之祖廟也亦無不可區區里排甯足盡其遠宗近祖之義也哉體此而如以福胙當頒則凡闔鎮紳耆士庶遠商近賈誰其不應而乃獨爾里排受茲福胙於以普神休則狹小北帝之聲靈於以崇祀典則阻抑衆姓之昭格况此項祀租嘗業倡之爲誰助之何人其中杼誠樂舉者原有遠圖未始爲爾里排後人充腹而設則分胙一事早已實應節省今承前縣憲示禁分憲屢諭節省花銷誠法良意美也

茲秋祭在邇首事李成勵等自遵示禁不肯仍循
舊習第恐無知里排狃執故陋妄肆讒言不惟不
明于義抑且有瀆于神更不知一時之口腹可
娛廟租之虧缺何堪將來修飾廟宇或別有正用
更何所恃合再示諭爲此示諭闔鎮里民人等知
悉合宜洗除陋習務遵示訓倘有仍執私見或暗
行匿帖妄生異議一經訪聞定卽嚴拏詳究決不
寬饒各宜慎遵毋違特示

乾隆二十二年八月初五日

禁設硝礮碑

乾隆四十九年九月內有

李潤漢
馮煥

承辦高要縣麒

麟硝廠瞞稟遷在佛山柵下河旁設廠未奉詳准
遽行築造闔鎮紳耆行舖人等以其干礙水道貽
害無窮各聯名上控蒙憲批飭禁押拆永利商民
並准錄批勒石以杜後患今將呈詞憲批謹列於
後具呈舉人區宏緒等稟爲聯叩憲恩飭遷硝廠
以通水道以利民生事切佛山水道上接西北兩
江自黃鼎沙口兩岸基圍夾水直抵正埠止有小
河橫出分洩什之一二自此抵柵下五斗口汎外
始有衆流分散水勢碑圖可按是柵下直接數十
里上流每遇潦漲人不安枕本年基圍幾於潰決
今被馮煥等瞞稟突在柵下河邊買田數畝建設

硝廠現行工築村思廠前之河潮退時闊僅十餘丈深不過三尺且河心現起沙坦方憂阻塞若更設廠煎硝殘坭堆積田面必成土岡河道愈加淺窄西北潦漲下流壅遏上流益增其勢基圍潰決不待知者而知也蕩析離居禍不旋踵其害一佛山四方雜處田少人多惟仰食他州之穀潮退冬涸沙口不能通舟穀船必迂道數十里由柵下始得至埠倘此處淤淺則穀船難通民食奚賴其害二佛山百貨所萃衆藉營生此水淺塞各省貨難至埠四鄉渡亦難通生理立見蕭條居民將歸遊手其害三佛山南便一帶涌濬現稟請疏濬以備

蓄洩荷蒙大憲飭催前縣特勘詳在案倘外河日
淤一遇旱潦田禾立受其殃是居民方思興一水
利不意硝廠先增一水患也其害四佛山民居稠
密地近富庶每爲賊黨窺伺從前盜案累累近蒙
大憲弭盜安民倘此廠一設恐有匪黨假冒坭艇
夜行難於稽察其害五緒等覩此剝膚災近欣逢
大憲畱心民瘼弭患恤災豈容此廠貽害爲此刷
圖聯叩憲轅伏乞俯准飭遷外地庶上不悞軍需
下不貽民害人戴二天公侯萬代爲此切赴大人
爵前恩准施行四十九年九月二十八日呈撫憲
孫批柵下建設硝廠是否有礙水道民居仰布政

司併查覆奪碑圖並發十月初一日復呈署督憲
孫蒙批馮煥承開硝廠以後訐控紛紛區宏緒等
又以干礙水道出而呈告似係實有不便民居之
處仰東布政司併查妥議速詳毋任延悞十月十
三日里民梁萬邦等以一件抗批築廠等事呈撫
憲孫蒙批是否實情仰布政司併查詳奪十月二
十四日白蠟公行龔萬和等以一件披陳下情等
事紙行王恒有等以一件叩憲飭遷等事鐵鍋爐
舖行陳鼎茂等以一件一廠設百商俱廢等事各
呈署督憲孫蒙批馮元斯呈揭示現據司詳批飭
確查另議靜候詳覆飭遵毋瀆龔萬和王恒有陳

佛山志卷之三
二
鼎茂等呈並發十一月日蒙藩憲議詳佛山紳士
區宏緒等以柵下建廠有礙呈控茲奉憲批飭均
以設廠必須杜絕走私隨查柵下建廠煎硝其地
枕近佛山爆竹舖多誠恐走漏私售一經憲臺指
飭燭照無遺與其防範於事後孰若遏絕於未然
柵下地方應不准其建廠等因奉督憲舒批馮煥
呈揭示現據藩司議詳柵下枕近佛山不堪建設
硝廠爾原頂麒麟廠硝額無多儘可在高要地方
辦理批回遵照在案毋再多事致干嚴究又奉撫
憲孫批馮煥呈揭示爾前請設廠柵下原圖便於
私售並非急公經本部院察出情弊駁飭頂辦麒

麟舊廠甫據司詳旋以坭盡告退試問該縣准柵
下設廠時爾尙力任兼辦扶南十餘萬之硝未據
呈稱坭匱今只令辦麒麟原額輒云絕無可採其
誰信之况陳坭原係四處購覓並非專資肇屬何
得假借藉口益徵捏飾候飭縣差拘遞赴高要縣
押令卽刻修復爐灶領帑興煎如敢玩悞定行重
究十一月二十八日具呈舉人區宏緒等稟爲害
除民便聯謝鴻恩併懇俯准勒石以垂永遠事切
佛山一鎮面繞官河中分二十四鋪汾水大基柵
下三鋪皆枕近河旁商賈輻湊舟楫如織而河道
則上接西北兩江夏潦每虞泛漲在柵下猶爲消

佛山忠義錄卷一三
洩要津稍或淤塞水涸則難通舟楫潦漲則淹沒
田廬詎有馮煥承辦麒麟硝廠圖便私售竟在柵
下河旁買李睿夫實田三畝三分新築廠宇不顧
殘坭卸塞河道貽害無窮緒等切膚情迫具以一
件聯叩憲恩等事赴稟大憲蒙批馮煥承開硝廠
以後訐控紛紛區宏緒等又以干礙水道出而呈
告似係實有不便民居之處仰布政司併查妥議
速詳毋任延訟緒等遵候議詳飭禁茲奉大憲批
發馮煥呈詞揭示現據藩司議詳柵下枕近佛山
不堪建設硝廠爾原頂麒麟廠硝額無多儘可在
高要地方辦理批回遵照在案毋再多事致干嚴

究捧誦金批仰見大憲子惠元元至意衆害喜除
羣心感戴惟是馮煥未奉批准之先已肆行築造
迨藩憲議詳飭禁猶不將厰宇拆除誠恐仍懷覬
覦理合聯情叩謝鴻恩更懇恩溥萬全俯准錄批
勒石杜絕後患俾一切貪圖射利淤塞河道者永
不敢稍存興建之念則闔鎮商民常得安枕而甘
棠遺愛百代不磨矣爲此聯赴大人爵前恩准施
行奉撫憲孫批准勒石仍候行司轉飭將厰押拆
以淨根株各名未及全錄

核定正埠租項章程碑示

特授廣州佛山海防督捕水利分府加五級紀錄

四次葉 爲遵諭呈明乞恩賞示勒石以垂永久
事現據舉人勞潼舉人國子監學錄霍超士副貢
生候委教諭李鳳陽生員張遇陽區應魁陳紹兼
洗湘李天達葉楚華簡居葉瓊華勞作棟監生陳
君秀楊惠鵬曹應也曹汝煒耆民楊知士梁聖宗
等呈稱佛鎮汾水正埠馬頭間內外所有佔築舖
舍前奉府憲訊詳列憲飭令拆除歸還公衆合鎮
紳商樂捐修築閘門內外兩傍無礙行人處所仍
用木篷搭蓋舖舍以便往來船隻採買物件各舖
舍現遞年共投得租銀貳百叁拾兩還楚今歲適
當三年期滿除還會銀及燈油神誕間夫工食書

院開會文武社祀典並監碑各費外所有餘銀及後租銀應請如何支用庶免私批侵漁之弊茲奉憲面諭著生等將租數逐一稟明所有餘租撥修義學以後遞年租銀除支用外有餘則擇地建屋買穀積貯遇歲歉則稟請賑給賜批賞示以垂永久闔鎮士民實荷鴻恩等情連粘租單一紙遞年應用章程一紙前來據此當批汾水官地捐築收租藉充公費遞年所收租項若不議定成規難免私批侵漁之弊茲據開租銀數目支銷章程均經閱悉餘銀亦應籌著因書院乃文人萃會之區必須學舍廣闊墻壁完固始足令人興大雅之思况

佛鎮鴻儒鵠起多士蟬聯尤宜丹青式煥以見崇
儒立教之意所有餘租儘先修理隨後擇建倉屋
儲穀待賑俾無業貧民不使一夫失所仍候給示
勒石以垂永久該紳士等樽節妥辦毋負本分府
情殷膠序念切窮黎可也粘單存在案合行出示
爲此示諭該紳耆司事人等知悉嗣後正埠官地
舖舍後開租銀及應用支銷章程遵照批內事理
妥協籌辦並勒石豎碑永垂不朽該司事仍將每
年收支數目於歲底列明標查毋稍濫費特示

廣儲義倉碑示

南海縣正堂加十六級紀錄二十次卓異候陞彭

爲義倉告竣廣儲民食聯叩給示以垂永久事現
據佛山舉人李天達區宏緒國子監學正勞潼武
舉黃光漢黃大綱鄉正生員張遇陽生員袁象天
李應樞陳紹兼余文監生陳君秀梁時吳承泰耆
民龐尙賓倫燦高黃仕林李白天呈稱切佛山十
堡設有社倉遇荒捐賑稟請憲示盡出社穀散給
賑後仍將備捐銀兩買穀還倉章程久定但領賑
至六萬餘丁社穀止一千四百石又出納動需稟
官恐賑糶有稽時日是以達等於乾隆六十年十
一月內稟請藩憲府憲分憲縣主議建義倉以佛
鎮通鄉稅地汾水正埠馬頭閘內兩旁餘地捐貲

建築小舖十間每年所得租銀除鄉中支撥祀典
書院會課外約有羨銀壹百餘兩每年秋成添買
穀石儲倉以待散賑經前縣主李詳奉督撫列憲
批飭給示勒石遵照在案惟是正埠馬頭各舖租
銀每年共計羨銀壹百餘兩止可買穀壹百餘石
其閒晒晾看倉工食俱從此租而出尙恐歷年積
貯究屬無幾尤須隨時設法廣儲達等仰體列憲
規條正在悉心籌辦適本年六月二十五日遭風
埠內船戶彭恒高等船艇多被破壞無從開擺資
生哀求泣訴情堪憐憫達等再四籌維將去年佛
鎮修造 靈應祠神廟宇士民捐輸工費現有羨

餘銀兩交與船匠購材鳩工裝造船隻備應彭恒
高等租賃以資生計遞年輸還租息仍入義倉公
項買穀添儲不獨各船得藉營生免至流離失所
在義倉亦有裨益更可惠濟無限窮黎卽鎮外對
河文昌鷹嘴兩沙亦得一體按戶賑恤但恐日久
弊生棍惡覬覦滋事有負義舉達等正在購工勒
石幸逢仁臺下車伊始首重民食合將佛鎮義倉
告竣廣儲情由聯稟臺堦伏乞查照列憲批飭案
由賞示勒石一體與各憲敘銜則善作善成前恩
與新恩並垂不朽矣等情到縣當批添建義倉廣
儲民食洵屬善舉茲復以廟中餘羨置備船隻使

桑梓貧黎藉資生計具見該紳士好義可風實堪
嘉尚候卽給示勒石以垂永久抄粘附卷嗣查本
案前據該紳士等議請將乾隆六十年捐賑盈餘
及佛山汾水正埠通約舖租遞年餘羨銀兩添建
義倉買穀積貯以備歲荒賑糶出納俱聽民便毋
庸官爲經理等由詳奉兩院憲批行給示泐石遵
照在案茲據該紳士等以義倉落成其正埠舖租
餘羨有限每年秋成添買穀石無多佛鎮地廣民
稠尤須隨時設法廣儲以備不時查汾水正埠橫
過之文昌沙鷹嘴沙二處本年有蛋戶彭恆高等
遭風無力置船開擺該紳等議將上年修造 靈

應神廟士民捐輸工費餘羨銀兩裝造船隻租於
遭風蛋戶開擺藉資生計所取租銀仍彙併正埠
舖租一體買穀歸倉以資廣儲等情洵屬以公辦
公一鎮三沙均沾實惠但事在創始保無土豪岸
棍從中覬覦或藉埠頭名色或借附近廟宇香燈
爲詞暗裡抽分或串無賴貧民蛋婦恃德強攬更
有冒稱衙門差役更保以及棍徒小醜往來充斥
故爲擾害均未可定亟應嚴行查禁合行出示曉
諭爲此示諭闔鎮居民人等知悉自示之後所有
正埠一切舖租以及現在租賃艇隻銀兩悉聽該
紳士等照數收存彙俟秋成買穀歸倉毋許阻撓

該紳士等無非未雨綢繆備荒起見實於窮黎蛋
戶兩有裨益凡爾等埠內蛋民卽應遵照赴廟輸
租開擺按期交納毋得拖欠庶免紳士稟追悔之
無及倘此番示禁之後仍有前項不法匪徒胆敢
藉端滋擾許爾等蛋戶人等投明紳士密稟拏究
該紳士等亦宜矢公矢慎務期垂之永久庶不負
本縣軫念民食惠愛窮黎之至意也各宜凜遵毋
違特示

嘉慶二年九月十五日

准復鄉飲碑示

太子太保兵部尚書兼都察院右都御史總督廣

東廣西等處地方軍務兼理糧餉世襲散秩大臣
騎都尉覺羅吉 爲曉諭舉行鄉飲事現據佛山
忠義鄉老民陳啓賢等呈稱切佛山一鎮嶺南都
會僑土皆知自前明正統年間海賊猖擾入寇佛
山耆老各捐糧糈率子弟出敵蒙 北帝尊神顯
靈護助退賊有司疏聞勅廟爲 靈應祠封佛山
爲忠義鄉春秋諭祭至今不泯惟思 靈應祠原
有鄉飲支費出在廟租不用庫項爲勸善做惡之
至意里民年登七十宴飲于鄉歷百餘年不易因
前值事廢弛缺有數十年來村思耄耄期頤杖鄉
杖國自古皆重况

太上皇帝曾賜千叟宴又本年蒙大憲著府學親臨佛鎮

宣講訓諭以教化于斯民今佛鎮諸色人等往來

繁雜正宜敬老推賢以肅風化攻匪逐賭以除盜

賊且上古廟嘗輕微尚有鄉飲而今比上有奇豈

可終廢上年經陳而樂呈請楊分府蒙批候飭值

年紳衿查照復舉後又給示啓賢等張掛廟前現

又蒙李分府批照舊舉行等諭前後各呈在案而

值事推延相待竟至日久未行只得瀝情稟請大

憲恩准賞示曉諭飭著值事早行鄉飲俾得老民

肅整鄉規地方寧謐則闔鎮勒石遵守頂祝無既

等情據此查佛鎮鄉飲之設原以崇祀典而尊齒

德此禮難容廢置據呈前由除批揭示外合就出示曉諭爲此示仰佛鎮值事紳耆人等知悉爾等俱係家號素封是以舉充值事鄉飲一項禮教攸關務須及早舉行毋論僑居士著如係身家清白持躬端謹之人年登耄耄皆得報名赴廟拈香就席以爲閭里矜式庶幾勸善儆惡仰沐 神靈之福永昭養老引年之盛典豈不甚善爾等務宜恪遵古制勒石永垂相傳不朽倘或視爲具文日久廢弛或致臧否混淆或有不法匪徒擅入攪擾一經本部堂察出定將值事之人及生事之犯一並查拏究治決不姑寬速宜凜遵毋違

佛山忠事錄卷之三
流芳祠二渡奉准碑示

特調南海縣正堂加十七級紀錄十次戴 爲謝

恩請示勒石永沾祀典事嘉慶六年十二月二十
五日奉廣州府正堂福憲牌嘉慶六年十二月初
七日奉布政使司常憲牌嘉慶六年十一月十六
日奉兩廣閣督部堂覺羅吉批據佛山流芳祠裔
孫霍松作洗良臣洗建章梁耀長洗奕維何奇山
梁滔萬梁達禎梁華千梁善萬陳作溢何元華梁
遠昭倫瓊廣梁君聖譚拱三梁榮光梁吟長霍榮
宗梁英爵霍維新等呈稱松等流芳祠渡額自明
正統七年蒙巡按廣東監察御史張大人將在佛

往省正二渡額二隻給人 北帝廟香燈至正德
八年重修其廟並廣建流芳祠於廟右安奉子姓
各祖是追念正統十四年被賊黃蕭養糾黨入境
松祖二十二老禱之於 神奮勇出敵退賊有功
遞年景泰元年蒙左布政使揭大人疏聞於朝因
賜佛山爲忠義鄉勅封北帝廟爲 靈應祠春秋
奉上諭祭至今不泯復賜松等各祖爲忠義士後
鄉民立祠廟右名曰流芳撥廟渡額一隻八祠著
祠孫取租永爲祀典歷數百年無異佛山鄉誌備
載緣祠內不肖倫燦高藉承渡帖倫日昇名目遂
起奸貪認歸自己倫家世承祖業捏伊祖義撥渡

息入祠香燈字樣紛紛瞞控串渡夫麥粹武先告
倫廣祀誘詞告麥其倫妒轉反控祠等欺佔伊祖
渡隻等情如是舞訟圖想奪渡歸囊以致互控三
載由縣府藩及分廳詳蒙督撫兩廣大人批准渡
仍歸祠著祠內公舉殷實子孫承擺嘗祀有賴其
倫燦高麥粹武擬以杖懲追繳銀帖在案本年四
月燦高復又以倫日昇名目瞞控蒙大人批斥茲
祠內子姓再懇大憲賞示勒石遺政後人俾得遵
照刊刷等情奉批仰東布政司查案給示等因奉
此查本案先於上年九月內據該府詳議合梁流
享承充佛山往省二渡一隻業經據由詳奉兩院

批允飭行遵照在案奉批前因合就檄行備牌行
府仰縣即便查案給示毋違等因奉此查渡夫倫
廣祀與梁時耀等互爭往佛省二渡一案業奉本
府訊議革退歸回流芳祠內衆姓公舉梁流享接
承詳奉兩憲批行遵照給帖該渡夫梁流享收執
並飭將倫廣祀等分別折責收贖著追繳麥粹武
拖欠租銀入祠供祀在案茲奉前因合行給示爲
此示諭流芳祠內衆姓人等知悉即便遵照嗣後
該渡永爲祀典如遇年老退擺接承仍聽祠內衆
姓公舉殷實子孫接承毋得混行爭佔各宜凜遵
毋違特示發仰佛山流芳祠勒石曉諭 董理修

佛山忠義雜志 卷一 三
三
碑洗作棟霍日盛等全立

嘉慶七年三月十六日

禁番攤賭坊碑示

欽命廣東等處承宣布政使司布政使軍功隨帶加四級軍功紀錄四次廣

欽命廣東等處提刑按察使司按察使兼管全省驛傳事務加五級紀錄十次秦 爲賭坊業經查封乞恩飭行府縣嚴辦賞示勒石永禁事現據南海縣佛山鎮鄉飲正賓前任浙江餘姚縣縣丞加捐布政司經歷吳昇運前任四川夾江縣知縣莫應昌等赴轅呈稱竊賭博一途最爲民害蓋賭者盜源

一八其中亡家破產卽爲竊盜之漸佛山人烟稠
密五方雜處近有賭棍開設番攤賭坊招引農工
商賈及良家子弟局賭業經佛山廳暨祁都司及
五斗口司覺察查拏開設未久隨卽遍行封禁共
計單開一十七處職等隨以一件德政遍施等事
稟廳出示嚴禁在案竊思賭坊旣蒙查封淨盡惟
恐日久懈弛不肖之徒仍復勾串兵役故智復萌
則雖禁仍如未禁茲幸大憲初蒞闔省軍民欣然
向化從此靖匪惡而安良善絕賭博以息盜源比
戶可封指日立見理合抄列經封各處賭坊上叩
憲恩飭行府縣從嚴查辦給示勒石永禁庶賭棍

知所做戒倘日後再有開設賭坊許鎮內衿耆舖
戶隨時稟報究辦等情到司據此查開場誘賭例
禁森嚴惟地方官不能認真查辦轉使不法匪徒
得以勾結衙門兵役誘賭漁利最爲地方之害除
行南海縣將開設賭坊查明封變並移行實力嚴
緝各賭黨務獲究辦外合行出示嚴禁爲此示諭
軍民人等知悉爾等務安分守法勉爲良民如敢
遊手好閑開設攤場聚賭兵丁差役受賄包庇一
經訪獲定卽盡法究治至該紳士等均有稽查之
責倘有棍徒聚賭滋事及保鄰徇隱許該處紳耆
舖戶人等隨時具稟有司嚴拏究辦各宜凜遵毋

違特示

嘉慶九年七月十一日

清涌碑示

特調南海縣正堂加七級紀錄十一次徐 爲曉
諭開挖涌口以通水道事照得前據職員吳泰來
等以佛山地勢南涌北海上流西北兩江之水自
大富圍直落柵下海口而去近緣涌河淤塞已將
各處疏通惟柵下塔前及炮臺一帶被蔗圍村民
唐應昌等藉有海旁田畝任意佔築竝砌石路阻
礙下流等情呈請押拆當經本縣親詣勘明斷令
唐姓將原買土名柵下北便坦田讓賣與吳泰來

佛山忠義部示

鄉禁

三

等歸衆挑挖開涌所有石路步頭仍循其舊隨據唐應昌卽唐樂秀等當堂具結吳泰來等亦將田價銀兩備繳在案乃有鄉老何道祥等藉稱該田係屬廟產本村二千餘人公共之業出頭翻控抗不領價立賣以致河道尙未疏通現奉督憲于另案批飭查明前項河口無論是否唐姓衆匪所抗速卽傳集紳士會同廳營多帶兵役立限通濬如唐姓有出抗者全行拏解究懲等因奉此除申請佛山分府竝移佛山都閩府會同本縣督帶兵役前往傳集紳士吳泰來等開工挑挖外合就出示曉諭爲此示諭蔗圍村唐姓竝各姓人等知悉所

有該處柵下北便坦田已斷歸紳士吳泰來等買
受應聽該紳士多雇工人趕緊拆挖深通以利水
道其田價銀四百七十兩現在貯庫爾等應卽赴
案領回另行買受管業此奉大憲批行會同文武
帶兵督拆之案爾等倘敢不知法紀出頭抗拒不
聽將田開挖者定卽按名嚴拏從重究辦不日督
憲親臨查勘該紳士等務須多集人夫查照應開
之處趕緊挑挖報竣其石路步頭仍舊築好歸作
地方公衆出入官路利濟行人各宜凜遵毋違特
示

道光五年十月初四日

文閣前北坦田照

特調南海縣正堂加七級紀錄十一次徐 爲給
照管業事案據職員吳泰來吳鳳髦舉人林梁泐
沂等呈稱佛山地勢南涌北海上流西北兩江之
水自大富圍直至柵下海口而去近緣涌河淤塞
柵下塔前一帶被蔗圍村民唐應昌等藉買海旁
田畝佔築石路有礙宣洩等情一案先經本縣親
詣勘明飭據唐應昌等繳驗印契二紙係原買區
李兩姓土名柵下北便及文閣前坦田載稅十八
畝零五分又半截契尾一紙唐應昌等稱係原買
區效芬子戶田稅七畝因原契被蝕無存等情核

對推收糧冊相符隨斷令唐應昌等將該田賣與
吳泰來等開挖以通水道業據兩造具遵吳泰來
等亦將田價銀四百七十兩繳庫在案乃有鄉老
何道祥藉稱廟產衆人不願立賣爲詞上赴各憲
翻控現奉督憲因唐姓另犯別案飭令會同廳營
多帶兵役將該田照斷押拆大加通濬惟糧從田
出今變田爲河吳泰來等情願認納錢糧雇工挑
挖併開具收稅戶口結狀稟繳前來除在于唐姓
原納平洲堡三十五圖十甲白伍承戶內割出前
項田稅一十八畝五分又于平洲堡三十五圖六
甲唐文富戶內割出稅七畝共割稅二十五畝五

分收歸佛山堡二十圖另戶 靈應祠戶內輸糧
併通詳立案外合行給照遵守爲此照給該職員
等卽便遵照將田開挖此係當官承買之業永作
涌河俾水勢暢流以免附近被淹是亦該職員等
自衛地方起見嗣後遞年銀米卽于 靈應祠戶
內照數完納毋稍拖欠亦不得藉稅私行佔築如
有唐姓人等出頭冒爭許卽指明稟究毋違須照
右照給職員吳泰來等收執

道光五年十一月初七日工典房承

禁搭蓋佔築涌河官埠官路碑示

特調南海縣正堂加七級紀錄十一次徐 爲曉

諭永遠遵守事案照佛山紳士吳泰來等呈稱切
佛山地勢南涌北海上流西北兩江之水自大富
圍直落從柵下海口而去近緣涌河淤塞已將各
處疏通惟柵下塔前及炮臺一帶被蔗圍村民唐
應昌等藉有海旁田畝任意佔築石路阻礙下流
等情當經本縣親詣勘明飭據唐應昌等繳驗印
契二紙係原買土名柵下北便及文閣前坦田載
稅十八畝零五分又半截契尾一紙唐應昌等稱
係原買區效芬之子戶田稅七畝因原契被蝕無
存等情核對推收糧冊相符隨斷令唐應昌等將
該田賣與吳泰來等歸衆挑挖開涌所有石路仍

舊築好步頭畱與蔗園村民灣泊農艇其橫水渡
亦聽蔗園村民開擺取具遵結附卷隨據吳泰來
等將田價銀四百七十兩稟繳給何道祥唐壯岳
等領回將前項共田二十五畝五分收歸佛山堡
二十圖另戶靈應祠輸糧給照該紳士等收執竝
稟奉督憲批行飭將涌河大加疏濬連田開挖在
案茲據吳泰來等具稟業已開挖工竣所有涌河
長短闊狹丈尺畧至俱經監杙勒石其石路步頭
亦已遵示修好築回作爲官路官埠以利行人任
從四鄉農艇開擺灣泊叩乞通詳立案給示勒明
官埠官路嚴禁復行佔築沿涌居民永遠不得搭

築填淤以杜後患等情計粘繳涌河界至清冊一
本繪圖一紙前來除批揭示竝通詳立案外合行
出示曉諭爲此示諭佛山紳士及蔗圍村各姓竝
沿涌居民諸色人等知悉所有佛山文閣前北坦
田至對面柵下汎河面計闊三十二丈五尺又汎
地上至對面李家田基側河水入口處計闊十丈
零二尺水閘外礮臺前河面計闊二十一丈四尺
現經疏通永作涌河其柵下海口石路步頭係屬
官路官埠任從蔗圍村民及四鄉農艇灣泊其蔗
圍村橫水渡亦聽其開擺以利行人自示之後禁
止沿涌居民永遠不得在于涌河及官埠官路搭

蓋估築以致淤塞倘敢抗違一經告發或被查出
定行嚴究各宜凜遵毋違特示

道光六年五月二十三日

禁拆賣祠墓告示

廣州府正堂胡 爲串毀祠墓聯乞賞示永禁事

現據候選訓導吳清運等赴府呈稱竊以先民建
祠立墓期展孝思平人滅主毀墳尙干憲典

職等

現查佛山鄉內慘見各姓列祖祠墓拆掘紛紛鬼
哭人悲實傷風化蓋緣木石舊料價日倍增墓經
發跡人多覬覦不肖子孫營私忘祖輒起貪謀而
土豪奸商乘機漁利重賂串毀唆誘多端由是族

惡涎賄糾黨成羣或托以垣墉漸壞頂換修新或捏以風水不佳改扞另葬一有沮止百喙交爭甚至小人衆而君子獨多遭誣陷皂白難分更有窺伺封篆零擣偷挖扭送莫及種種作弊防護殊難忖思祭器雖貧不鬻坵木待用不斬矧屬祠墓豈容擅易乃原夫勒賣之人皆因漁利者賄唆而起設使婪買畏法則勒賣亦屬徒勞仰維仁憲關心孝治卹及先民當此澆風方長亟須早爲防制去年十一月何寅斗以祠危待救事會邀賞示嚴禁在案用敢聯叩崇轅乞恩通賞示禁勒石准飭各姓祠墓永遠不得買賣併行縣司曉諭如有藉端

拆掘雖祠墓外祖業半椽尺土一經鄉族首出卽
拘買者繳回契物賣者繳價充公仍懇按律嚴辦
縱已封篆許該處更保及看守人等扭送庶賄買
知有後累勒賣終須吐還澆風賴息先祖賴安歿
存永感等情據此當批候分別出示嚴禁以垂久
遠並候行縣知照在詞除揭示並行南海縣知照
外查盜賣盜買祠墓大干法紀先據生員何寅斗
赴府具呈當經出示嚴禁在案茲據呈前情合再
出示嚴禁爲此示諭該鄉衿耆更保及軍人民等
知悉爾等建立各祠墓原爲祖靈憑依之所凡屬
子孫理宜恪守祀奉以垂久遠豈容藉端變賣及

零星拆毀挖掘頂換轉售自示之後所有該處各
祠墓及所遺外業永禁不得擅買擅賣並零星拆
掘頂換轉售倘敢故違許該鄉衿耆及看守祠墓
人等隨時就近赴地方官稟控嚴拏押追原物照
舊修復並將擅賣擅買之人從嚴究懲決不姑寬
各宜凜遵毋違特示

道光十年九月初六日

禁正埠私佔踞擺示

欽加知州銜特調南海縣潘 爲示禁事現據職員吳

鳳髦舉人洗沂等詞令抱告吳陞赴轅呈稱切職
等鄉內正埠餘地一向搭蓋租賃以資廟中公費

後被匪徒陳亞潤等硬佔經前分憲徐巡司孫示

禁仍歸公用

職

等上年呈台蒙恩詳明上憲准照

舊搭蓋如有匪徒藉端私佔阻礙通衢仍許

職等

查明稟究毋稍瞻徇

職

等伏思匪徒聞有覬覦與

其事至呈究孰若先爲禁止以體仁臺使民無訟

至意爲此叩謝鴻慈乞恩給示祇許承租人等照

舊日勘定界至搭蓋有事拆去其餘無得藉端添

佔以安閭井實爲德便切赴等情到縣據此當批

候核案給示在詞除揭示外查本案先據職員吳

鳳髦等以正埠餘地經王分憲詳明各憲搭蓋租

賃以供

靈應祠公費後被奸民佔踞又經監生

岑天祐等稟徐分憲行前五斗司孫巡檢勘明照
舊丈尺搭蓋租賃嗣被五斗司吳巡檢出詳分憲
押拆等情上赴各憲呈控批行查詳當經飭行五
斗口司蕭巡檢查明該處餘地係屬照舊搭蓋並
無阻礙前任吳巡檢因承賃之人添擺過多以致
詳請押拆並無別故等情詳覆前來又經詳奉各
憲批行准其照舊搭蓋毋許匪徒藉端添佔在案
茲據前情合行出示嚴禁爲此示諭該處值事及
租賃人等知悉爾等止許遵照舊址搭蓋租賃如
遇公事往來卽行隨時拆除事畢搭還毋許奸徒
藉端添佔如有添佔私收阻礙通衢許該處紳士

佛山忠義鄉志卷十三
查明稟究各宜凜遵毋違特示

道光十年十月二十日

佛山忠義鄉志卷十三終

佛山忠義鄉志卷十四

雜錄志

神非羣祝鬼載一車逃禪乃貞女不得已之心結
社亦文人偶一爲之事事不屬詞不比物相雜也
陳志以莫可考之神悉其廟宇附祀典末頗與人
心風俗有關粵祀之無稽甚矣雖祈禱有驗不敢
隨聲而附和焉茲析其不入祀典不見經史之事
爲雜錄一門微示區別若陳氏女以爲尼而不得
入節孝詩人結社於前十三門無所專屬取殿終
篇志書日久事積必應續修後來者或以爲是或
以爲非聽之可也志雜錄

康熙五十八年 靈應祠牌樓前童子年可十三
四緣柱登牌樓最高處若履平地手掠瓦木擲下
如飛數千人聚觀無一傷者咸謂神實使之示人
以改修也

陳志

雍正元年 靈應祠神附人言鄉中宜修舉者六

事首應浚旗帶水鄉人士奉之惟謹修復故渠

陳志

忠義流芳祠在 靈應祠旁祀鄉義士梁廣等二

十二人以其有禦海賊黃蕭養功保全一鄉鄉人

爲之立祠 國朝康熙中有汪遊擊作霖湖廣人

駐宿祠內夜坐閒恍見二十二人旅而入汪驚起

避之明晨集紳耆祭禱題其堂曰欽崇風烈

陳志

霍烈士名仲儒明景泰時同梁廣等擊黃蕭養賊
黨於柵下海口仲儒奮勇先驅摧破賊鋒俄賊飛
礮中仲儒墮水死尸逆流入港面色如生里人哀
而神之立像配祀於青龍義榕兩社夫梁廣等二
十二人生蒙恩旌死享廟食而仲儒同矢忠義且
以身殉顧湮沒無聞焉豈仲儒身微因人舉事後
諱言傷敗遂掩其烈耶今雖奉以配社君子謂猶
未足以酬也特建一廟以慰烈魂是所望於扶植

名教者嗟乎論功行賞之際殉義而名滅者多矣

豈獨仲儒也哉

陳志 按霍烈士從前有廟在柵
下後祀乾隆年間遷牌位於祖廟

大魁堂後座
有碑記嵌壁

蘇道士名澄輝字碧真 靈應祠巫祝也嘗募新
祠宇築照壁殫心瘁力而疎於會計有核其經費
者澄輝無以應也遂鬱鬱而死後見夢於其徒曰
帝尊念我微勞許侍祠內幸爲我立像因塑像附
祀於祠之左廡下諸巫事之甚謹 陳志

俗傳康元帥父康衢母金氏生於黃河之界負龍
馬之精趙元帥名公明其神爲元壇石元帥爲五
雷長皆 北帝部將山紫鋪彩陽鋪醫靈鋪明照
鋪俱有元壇廟耆老鋪錦瀾鋪俱有主帥廟柵下
鋪有帥府廟二橋亭鋪有石公太尉廟禱祀輒驗
廣州志金花神廣之金氏女也少爲巫時稱金花

小娘後沒於仙湖之水數日不壞且有異香里人
陳光見而異之偕眾舉殮得香木如人形因刻像
立祠祈嗣往往有驗祠毀成化五年巡撫陳濂重
建稱為金花普主惠福夫人張詡顯詩玉顏當日
睹金花化作仙湖水面霞霞本無心還片片晚風

吹落萬人家金花會盛于省城河南鄉內則甚少
惟婦人則崇信之如亞媽廟各處內

列十二奶娘婦人求子者入廟禮拜擇奶娘所抱
子以紅繩繫之則托生為己子求之多驗然年卒

不永

柳母者俗傳金華之乳母廟在嶼岐舖求子亦有

驗

粵人祈子必于花王父母有祝辭曰白花男紅花

女故婚夕親戚皆往送花蓋取詩花如桃李之義
詩以桃李二物與男女二人故桃夭言女也標梅
言男也女桃而男梅也華山上有石養父母祠秦
人往往祈子亦花王父母之義也

采訪冊

龍母温夫人者晉康程水人也秦始皇嘗遣使盡
禮致聘將納夫人後宮夫人不樂使者敦迫上道
行至始安一夕龍引所乘船還程水使者復往龍
復引船以歸夫人沒葬西源上龍嘗為大波縈浪
轉沙以成墳會大風雨墓移江北每洪水淹沒四
周皆濁而近墓數尺獨清墓之南有山天將雨雲
氣必先羣山而出樹木陰翳有數百年古木人不

敢伐以夫人有神靈其間或云夫人姓蒲誤作温
然其墓當靈溪水口靈溪一名温水以夫人姓温
故名或曰温者媪之訛也夫人故稱蒲媪又稱媪
龍唐李紳詩風水多虞祝媪龍然媪非生龍者也
得大卵而畜之龍子出焉養之以飲食龍得長大
蓋古之豢龍氏也始皇以爲神遣使迎媪以嘗聞
徐福言海神之使者銅色而龍形光上照天意媪
其同類也求三神山船旣至風輒引去豈亦龍之
所爲耶

采訪冊

萬物國朝已有祀典故龍母廟載八廟

按此亦龍神也龍能致雲雨澤

類字

禾穀夫人或云后稷之母姜嫄也今鄉之禾花廟

或是與

縣志

神火當舍人廟未重修時廟宇雖陋然土脉隆盛
 前望蟠岡農人春耕秋穫每夜見神火一自廟出
 一自蟠岡脚出始如星繼如杯漸如盂鉢極大至
 如車輪紅光四射互相湧跑或合為一而後散以
 漸而沒村人常見不之怪夜行者多疑焉自修廟
 築照壁建戲臺後廟中之火不復出蟠岡脚之火
 閒見或云蟠岡脚之火為禾花神云

梁舍人本福祿里梁氏子年十九往廣西販柴歸
 至中途颶風覆舟死已而現形如生時僱舟引柴
 歸且曰我臬臺舍人也舟不得緩舟人晝夜趨行

不數日至急登岸命舟子隨抵家則先入舟子久
候不出因呼梁舍人門內驚問具言其故兼述體
貌舉家惶愕拉往驗柴則果泊岸矣方悟已溺死
而爲神也里人異其事立廟祀之祈禱輒應迄今
不衰

陳志

太尉者不知何許人祖廟鋪岳廟鋪俱有廟禱祀
輒驗

二仙者俗傳樟柳二神也山紫鋪有廟禱祀亦驗
大聖廟在觀音堂鋪二聖廟一在東頭鋪一在錦
瀾鋪三聖廟在真明鋪其神不可考俗禱祀亦驗
盤古廟任昉述異記南海有盤古墳亘三百里俗

云後人葬盤古皇也廟在明照舖富文舖兩處

張仙卽花蕊夫人所祀蜀主像鄉人相沿祀以求子廟在東頭舖

俗傳廣西有活三界神不經之甚有廟在大基尾
汎旁及北勝街前鄉人多祀之

白馬將軍車公石公金鷄神不見經史廟一在天
衢坊一在黃涌口二在聚福里祈禱亦驗

普庵禪師俗姓余袁州宜春人六歲修行宋乾道
五年涅槃宋封普庵寂感妙濟正覺昭貺禪師有
廟在山紫舖

明簡雲顛道人隣堡簡村人常居佛山故邑志稱

佛山人狀若風狂善號召風雷驅役百鬼與人遊
蒲澗病日色太炎謂曰卿無苦吾今令雷師張傘
護卿卽瞑目爲呼使狀須臾陰雲凝坐上四外日
色如故鄉人以早請禱則爲壇箕踞其上焚符篆
有頃雷電滂沱交下廣城北門二里有女病魅簡
視之曰老龜作祟耳因曰昨遇一番蠻侮我當役
此蠻捉之卽呼叱四指俄一番人擁陰飈踰垣而
入手持一巨龜大三尺鏗然墮地昏仆久之始能
視其語侏儻不可曉簡大笑斥之去而龜已死其

魅遂絕

陳志

乾隆二十三年顏料行會館演劇觀者數百人遭

火俱斃後卽其地建旅食祠以妥之當火發時有
葉兆資者以寡嫂止一子聞其在場往救友人阻
之不可遂入尋姪不見火燬前門人無出路資有
膂力以手援人俾從其肩背踰墻走免數人而資
與姪同斃於火又同時有外省商人膂力更大當
前門燬時奮拳破壁爲穴人有從穴出者有從商
膊上踰墻者約活三十餘人而商竟被焚死火滅
後檢骸燼至竈牀底見一童子熟睡呼之始醒問
其故答以火發時有人導之來云睡此可無虞後
事一無所知觀此死生有定不其然歟

采訪冊

石獅在石獅坊梁氏門外梁氏祖名晚節有友在

西樵以山石琢二獅子遺之晚節豎於門首日久
能爲怪殘踏田禾農人夜伺之見兩物如羊翻滾
田中急持梃趨逐至梁氏門而滅因以梃擊兩獅
足破焉怪始絕

陳志

女釋悟幾陳元佐女性至孝以父母貧而無子矢志不嫁紡績爲養及父母歿或謂子今可以字人矣女泣然曰吾去誰奉父母祀者已而勸者益衆女曰此難以口舌爭也削髮爲尼密處長慶庵中歲時祀其父母因靜生悟妙解禪幾遂自名悟幾年旣老始往人家爲婦女演說孝義申以果報聞者感動臨寂語其徒曰吾往某巨室爲男可來問

視如言跡之巨室果以是日產子掌中隱隱有悟

幾二字云

陳志

陳雲麓少時嘗與李因齋吳竹屏左省軒結社汾江稱懶圈四子流連文酒無虛日其後因齋弟植齋亦附焉省軒以懶圈小友呼之故亦稱五子因齋名易簡字未林番禺人以青衿終植齋名松筠字復林癸酉副榜貢生省軒名業光字能甫順德人界園副都憲之孫太學生書法自成一家得其片楮者珍若拱璧年未四十卒李左皆世寓佛山竹屏以就學甥館因移家僑居者十餘年省軒旣歿竹屏亦返居五羊而社事風流雲散矣今懶圈

之名猶播藝林資雅談然諸子詩文未有編集之

者

粵臺徵雅錄

自孫黃李德王佐趙介黃哲結社于羊城南園開
抗風軒以延一時名士提唱詞宗稱南園前五子
嘉靖閒歐大任梁有譽黎民表吳旦李時行復開
抗風軒以振南園之風雅稱爲後五子

張太初河圖集十二人倡西園十二堂吟社雲麓
陳太史稱懶園四子宗主吟壇蓋一時之盛焉而
前此惠天牧督學所取南海知名士何夢瑤羅天
尺蘇珥勞孝輿稱爲惠門四子羅蘇嘗與吾鄉諸
先輩唱和而勞則吾鄉人也

佛山忠義鄉志卷十四終